



## IKINYAMAKURU K'IMIHINDAGURIKIRE Y'IKIRERE No 19, KIGENEWE


### ABAHINZI- BOROZI IGICE CYA MBERE NYAKANGA (01-10), 2020

#### Cyasohtse ku itariki ya 12 Nyakanga 2020

#### **Iriburiro**

Mu minsi icumi y'igice cya mbere, Nyakanga 2020 kuva tariki ya 01 kugeza tariki ya 10, Ku bupimiro bwa Gicumbi no ku bupimiro bwa Byimana niho haguye imvura nyinshi kurusha ahandi hasigaye mu gihugu. Ahaguye imvura nyinshi ni ku bupimiro bwa Gicumbi hapimwe milimetero 7.4.

Ibipimo by'ubushyuhe ni nk'ibisanzwe mu gice cya mbere cya Nyakanga, Iyipimo cy'ubushyuhe bwo hejuru cyari hagati ya dogere Selisiyusi( $^{\circ}\text{C}$ ) 20.7 muri Gicumbi ndetse na  $28.1^{\circ}\text{C}$  muri Nyagatare naho igipimo cy'ubushyuhe bwo hasi cyari hagati ya  $11.8^{\circ}\text{C}$  muri Musanze ku bupimiro bwa Busogo na  $17.3^{\circ}\text{C}$  ku bupimiro bwo mu Muji wa Kigali.




**Ishusho 1:** Imvura yaguye ugereranyije n'isanzwe igwa muri iyo minsi.

## 1.0. Imvura yaguye

Aha turerekana ingano y'imvura yaguye, umubare w'iminsi imvura yaguye n'ubuhere bw'ubutaka mu minsi icumi y'igice cya mbere cya Nyakanga 2020.

### 1.1. Ingano y'imvura yaguye


Ikarita ya mbere hasi irekana ingano y'imvura yaguye mu minsi icumi y'igice cya mbere cya Nyakanga 2020. Igiteranyo cy'imvura mu minsi icumi y'igice cya mbere cyari hagati ya milimetero 0 na milimetero 7.4. Ku bupimiro bwa Gicumbi no ku bupimiro bwa Byimana niho haguye imvura nyinshi kurusha ahandi hasigaye. Ahaguye imvura nyinshi ni ku bupimiro bwa Gicumbi mu karere ka Gicumbi haguye imvura ingana na milimetero 7.4 no ku bupimiro bwa Byimana mu Ntara y'Amajyepfo hapimwe milimetero 6.3.



**Ikarita ya 1: Ingano y'Imvura yaguye igice cya mbere Nyakanga 2020 muri mm**

## 1.2 Imvura isanzwe igwa mu minsi icumi y'igice cya mbere cya Nyakanga


Ufatiye ku bipimo by'igihe kirere, ikarita ya kabiri iratwerekana imvura isanzwe igwa mu minsi icumi y'igice cya mbere cya Nyakanga. Ubusanzwe igice cya mbere cya Nyakanga kigusha imvura iri hagati ya milimetero 0 na 7.4; bigaragara ko ugereranyije imvura yaguye n'isanzwe igwa mu gihe kirekire, imvura yaguye yari nke cyane mubice byinshi by'igihugu uretse mu karere ka Gicumbi no mu karere ka Ruhango ho hapimwe imvura nyinshi iruta isanzwe ihagwa muri iki gice cya Nyakanga.



**Ikarita ya 2: Imvura isanzwe igwa mu gice cya mbere cy'ukwezi kwa Nyakanga**

## 1.3. Umubare w'iminsi imvura yaguyemo

Ikarita ya 3 iragaragaza umubare w'iminsi imvura yaguyemo, mu gice cya mbere mu kwezi kwa Nyakanga 2020. Umunsi tubara ko wagushije imvura ni uwapimweho byibuze milimetero 0.85 cyangwa nyinshi. Muri iki gice ahenshi mu ntamvura yabonetse mu Ntara y'Iburasirazuba ndetse no kubupimiro bwa Gitega, Nyamagabe, Musanze Rusizi na Rubengera, ahandi hasigaye mu gihugu imvura yaguye umunsi gusa.



**Ikarita ya 3: Umubare w'iminsi imvura yaguyemo**

#### 1.4 Ubuhehere bw'Ubutaka

Aha turagaragaza muri rusange uko ubuhehere bw'ubutaka bwari bumenze. Ahenshi mu gihugu ubuhehere bw'ubutaka muri iyi minsi icumi y'igice cya mbere cya Nyakanga 2020 bwaragabanutse cyane bitewe n'ibihe by'izuba byaranze iyi minsi. Hateganyijwe ko ubuhehere bw'ubutaka buzakomeza kugabanuka mu gice cya kabiri cya Nyakanga bitewe n'uko ibi bihe by'izuba bizakomeza.


#### 2.0. Ibipimo by'ubushyuhe

Aha turareba muri rusange uko ibipimo by'ubushyuhe bwo hejuru no hasi hirya no hino mu gihugu byari bimeze.

#### 2.1 Iqipimo cy'ubushyuhe bwo hejuru

Ikarita ya 4 irerekana ubushyuhe bwo hejuru. Ugendeye ku bipimo by'ubushyuhe dusanzwe dupima, ahenshi mu gihugu ubushyuhe bwari mu kigereranyo cy'impuzandengo y'igihe kirekire; mu Ntara y'Iburasirazuba, mu Mujyi


wa Kigali, ndetse n'igice kinini cy'Iburengerazuba cyane cyane mu Majyepfo yaho niho hashyushye kurusha ahandi. Mu Ntara y'Amajyaruguru akaba ariho hakonje ugereranyije n'ahandi mu gihugu. Ibipimo by'ubushyuhe byari hagati ya dogere Selisiyusi 20.7 na 28.1.



**Ikarita ya 4: Ubushyuhe bwo hejuru**

#### 2.2. Iqipimo cy'ubushyuhe bwo hasi

Ikarita ya gatanu irerekana uko ubushyuhe bwo hasi bwanganaga. Ubushyuhe bwo hasi bwari hagati ya Dogere Selisiyusi 11.8<sup>0</sup>C (Musanze) na Dogere Selisiyusi 17.3<sup>0</sup>C (Mu mu Mujyi wa Kigali). Mu Majyaruguru y' u Rwanda niho hakonje cyane kurusha utundi duce tw'igihugu. Ugereranyije n'iminsi icumi y'igice cya mbere cya Nyakanga ubushyuhe bwo hasi bukaba butarahindutse.




**Ikarita ya 5: Ubushyuhe bwo hasi**

### 3.0 Iteganyagihe rigenewe abahinzi mu minsi icumi y'igice cya kabiri cya Nyakanga (tariki 11-20) 2020

#### 3.1 Ikirere giteganyijwe

Mu gice cya Kabiri cy'ukwezi kwa Nyakanga (hagati y'italiki ya 11 niya 20 Nyakanga) mu Rwanda hateganyijwe kurangwa n'imvura iri hagati ya milimetero 0 na 15mm. Muri rusange igice kinini cy'igihugu kizarangwa n'imvura nke ndetse n'ibihe by'izuba ryiganje. Mu turere twa Rubavu, Nyabihu, Nyamasheke n'igice cy'uturere twa Musanze, Rutsiro, Rusizi, Nyamagabe na Nyaruguru hateganyijwe imvura iri hagati ya milimetero 10 na 15. Ibice bisigaye by'intara y'Iburengerazuba, Amajyaruguru n'iby'uturere twa Nyamagabe na Nyaruguru hakiyongeraho igice cya Muhanga na Huye hateganyijwe imvura iri hagati ya milimetero 5 na 10. Ahasigaye hose mu gihugu hateganyijwe imvura itagera kuri milimetero 5 (ubusobanuro bwa buri hantu n'imvura ihateganyijwe bigaragara mu ikarita ya 6).

Imvura iteganyijwe mu gice cya kabiri cya Nyakanga 2020 iri ku kigero cy'impuzandengo y'imvura isanzwe igwa mu gihugu mu gice cya kabiri cya Nyakanga.



**Ikarita ya 6: Iteganyagihe ry'imvura mu gice cya kabiri cya Nyakanga 2020.**

#### 3.2 Ibirebana n'imirimo y'ubuhinzi

Dushingiye ku bipimo bigaragaza ko imvura irimo gucika ndetse ikazagabanuka cyane mu gice cya mbere cya Nyakanga 2020 (tariki 11-20), abahinzi barashishikarizwa gukomeza gukurikiranira hafi ibihingwa ndetse bakaba banahinga cyane cyane mu bishanga nahandi hantu kuvomera bizaborohera, kandi bakomeza kugisha inama abashinzwe ubuhinzi babegereye. Barashishikarizwa kandi kujya basura urubuga rwa Meteo Rwanda [www.meteorwanda.gov.rw](http://www.meteorwanda.gov.rw), cg guhamagara umurongo utishyurwa 6080.